



Na osnovu Odluke Generalnog direktora o raspisivanju javnog konkursa za imenovanje direktora podružnica Javnog preduzeća Elektroprivreda Bosne i Hercegovine d.d.-Sarajevo broj: 01-06-24730/2020 od 10.09.2020. godine, Javno preduzeće Elektroprivreda Bosne i Hercegovine d.d.-Sarajevo raspisuje

JAVNI KONKURS

za imenovanje direktora podružnica

Javnog preduzeća Elektroprivreda Bosne i Hercegovine d.d. - Sarajevo

- I. Javno preduzeće Elektroprivreda Bosne i Hercegovine d.d. - Sarajevo raspisuje Javni konkurs za imenovanje direktora podružnica Javnog preduzeća Elektroprivreda Bosne i Hercegovine d.d. - Sarajevo (u daljem tekstu: Konkurs) i to na slijedeće pozicije:
 1. Direktor Podružnice Hidroelektrane na Neretvi, Jablanica, sa mjestom rada u Jablanici,
 2. Direktor Podružnice Termoelektrana „Kakanj“, sa mjestom rada u Kaknju,
 3. Direktor Podružnice Termoelektrana „Tuzla“, sa mjestom rada u Tuzli,
 4. Direktor Podružnice „Elektro distribucija“ Bihać, sa mjestom rada u Bihaću,
 5. Direktor Podružnice „Elektro distribucija“ Mostar, sa mjestom rada u Mostaru,
 6. Direktor Podružnice „Elektro distribucija“ Sarajevo, sa mjestom rada u Sarajevu,
 7. Direktor Podružnice „Elektro distribucija“ Tuzla, sa mjestom rada u Tuzli i
 8. Direktor Podružnice „Elektro distribucija“ Zenica, sa mjestom rada u Zenici.
- II. Imenovanje direktora podružnica vrši Generalni direktor.
- III. Imenovanje direktora podružnica izvršiće se do isteka perioda na koji je imenovana Uprava Javnog preduzeća Elektroprivreda Bosne i Hercegovine d.d.-Sarajevo, čiji četverogodišnji mandat je počeo teći 13.04.2020. godine.
- IV. Direktor podružnice organizuje rad i rukovodi poslovanjem, zastupa i odgovara za zakonitost poslovanja podružnice u skladu sa Statutom, Pravilnikom o organizaciji, odlukama Uprave i drugim aktima Javnog preduzeća Elektroprivreda Bosne i Hercegovine d.d. - Sarajevo.
- V. Kandidati treba da ispunjavaju slijedeće uvjete:
 - da su državljani BiH,
 - da posjeduju univerzitetsku diplomu visoke stručne spreme i to: elektrotehničke, mašinske, ekonomske ili pravne struke,
 - da nisu stariji od 65 godina na dan imenovanja,
 - da su zdravstveno sposobni za obavljanje poslova pozicije za koju se kandidiraju,
 - da imaju radno iskustvo od najmanje 5 (pet) godina,
 - da imaju sposobnost samostalnog rada na računaru, koji podrazumijeva napredan korisnički nivo MS Office,
 - da vladaju aktivnim znanjem stranog jezika,
 - da nisu na funkciji u političkoj stranci,
 - da nisu osuđivani za krivično djelo i prekršaj (privredni prestup) nespojiv s dužnošću direktora 5 godina od dana pravosnažnosti presude, isključujući vrijeme zatvorske kazne,
 - da nisu lica kojima je pravosnažnom sudskom odlukom zabranjeno obavljanje aktivnosti u okviru nadležnosti direktora,
 - da nemaju smetnji u smislu Zakona o sukobu interesa u institucijama vlasti BiH (Službeni glasnik BiH broj: 13/02, 16/02, 14/03, 12/04, 63/08, 18/12, 87/13 i 41/16) i Zakona o

- sukobu interesa u organima vlasti Federacije BiH (Službene novine FBiH broj: 70/08) i člana 252. Zakona o privrednim društvima (Službene novine FBiH broj: 81/15),
- da imaju iskustvo i reference uglednog stručnjaka u oblastima od značaja za rad i poslovanje JP Elektroprivreda BiH d.d. - Sarajevo,
 - da imaju reference organizacionih i menadžerskih sposobnosti i
 - da imaju program rada za period na koji se imenuju.

VI. Kao dokaz o ispunjavanju uvjeta iz Konkursa, kandidati su dužni, u originalu ili ovjerenj kopiji, priložiti slijedeću dokumentaciju:

- potpisanu prijavu na Konkurs sa naznakom pozicije na koju se prijavljuju,
- biografiju (CV),
- diplomu visoke stručne spreme odgovarajuće struke, koja je stečena po propisima koji su se primjenjivali prije početka primjene Okvirnog Zakona o visokom obrazovanju u Bosni i Hercegovini ili koja je stečena završetkom drugog ciklusa studija u skladu sa Okvirnim Zakonom o visokom obrazovanju u Bosni i Hercegovini,
- uvjerenje o državljanstvu (ukoliko na obrascu nema naznake da je bez roka važenja, isti ne može biti stariji od 6 mjeseci),
- potvrdu ili uvjerenje o potrebnom radnom iskustvu,
- potvrdu, uvjerenje, certifikat ili drugi dokaz o traženom nivou poznavanja rada na računaru,
- potvrdu, uvjerenje, certifikat ili drugi dokaz o traženom znanju stranog jezika,
- ovjerenu izjavu da ne vrše funkciju u političkoj stranci,
- ovjerenu izjavu da u posljednjih 5 (pet) godina nisu pravosnažno osuđivani za krivično djelo nespojivo sa dužnošću direktora, isključujući vrijeme zatvorske kazne (JP Elektroprivreda BiH d.d. - Sarajevo zadržava pravo da za kandidate koji ispunjavaju uvjete po ovom Konkursu od nadležnog organa zatraži podatke iz evidencije, kako bi utvrdila tačnost podataka datih u naprijed navedenoj izjavi),
- uvjerenje da u posljednjih 5 (pet) godina nisu pravosnažno kažnjeni za privredni prijestup - prekršaj nespojiv sa dužnošću direktora, izdat od strane nadležnog suda (ne starije od 6 mjeseci),
- ovjerenu izjavu da nisu lica kojima je pravosnažnom sudskom odlukom zabranjeno obavljanje aktivnosti u okviru nadležnosti direktora,
- ovjerenu izjavu da nemaju smetnji u smislu Zakona o sukobu interesa u institucijama vlasti BiH ("Službeni glasnik BiH" broj 13/02, 16/02, 14/03, 12/04, 63/08, 18/12, 87/13 i 41/16) i Zakona o sukobu interesa u organima vlasti Federacije BiH (Službene novine FBiH broj 70/08) i člana 252. Zakona o privrednim društvima (Službene novine FBiH broj: 81/15),
- potpisan program rada za period na koji se imenuju.

Kandidati koji dostavljaju diplome strane visokoškolske ustanove dužni su u originalu ili ovjerenj kopiji dostaviti i akt nadležnog organa u BiH o nostrifikaciji diplome u skladu sa propisima o visokoškolskom obrazovanju.

Kandidati su dužni u biografiji navesti podatke ili dostaviti odgovarajuće dokaze o ispunjavanju uvjeta koji se tiču iskustva i referenci uglednog stručnjaka u oblastima od značaja za rad i poslovanje JP Elektroprivreda BiH d.d. - Sarajevo, te organizacionih i menadžerskih sposobnosti.

Sa kandidatima koji ispune uvjete iz Konkursa, obaviće se usmeni ispit o kojem će kandidati biti blagovremeno obaviješteni od strane komisije nadležne za provođenje ispita.

Kandidati koji budu imenovani biće upućeni na ljekarski pregled radi utvrđivanja njihovog zdravstvenog stanja i radne sposobnosti za obavljanje poslova pozicije na koju su imenovani.

VII. Kandidati koji budu imenovani za direktore podružnica zasnivaju radni odnos na neodređeno vrijeme u JP Elektroprivreda BiH d.d.-Sarajevo.

JP Elektroprivreda BiH d.d. - Sarajevo zadržava pravo da za kandidate koji ispunjavaju uvjete po ovom Konkursu kod nadležnih organa provjeri tačnost podataka datih u izjavama.

Rok za podnošenje prijava je 15 (petnaest) dana od dana objavljivanja Konkursa.

Napomena: kandidati koji se prijavljuju na više od jedne pozicije, dužni su u prijavi navesti pozicije na koje se prijavljuju, te za svaku poziciju dostaviti poseban program rada.

Kandidati su dužni dostaviti prijave sa naznakom pozicije na koju se prijavljuju i potrebnom dokumentacijom, lično ili putem pošte, na adresu:

JP Elektroprivreda BiH d.d. - Sarajevo
Sektor za ljudske resurse
71000 Sarajevo
Vilsonovo šetalište 15
sa naznakom „Javni konkurs za imenovanje direktora podružnica“

Nepotpune, neblagovremene i neuredne prijave neće se uzeti u razmatranje.

Kandidati će biti pismeno obaviješteni o ishodu Konkursa, a priložena dokumentacija neće se vraćati.